

RISALAH PENUNTUT ILMU


TASBIH BERSAMA TAHMID

JADIKANLAH IA WIRID HARIANMU

Dr. Abdullaah Jalil



WISDOM
PUBLICATION



Tasbīḥ bersama Taḥmīd

﴿سُبْحَانَ اللَّهِ وَبِحَمْدِهِ﴾

“Jadikanlah ia dari wirid harianmu.”

Hadith 1: Tasbih ﴿سُبْحَانَ اللَّهِ وَبِحَمْدِهِ﴾ Seratus (100) kali Di Waktu Pagi dan Petang: Di Antara Amalan Yang Paling Baik

عَنْ أَبِي هُرَيْرَةَ رضي الله عنه، قَالَ: قَالَ رَسُولُ اللَّهِ ﷺ:

((مَنْ قَالَ حِينَ يُصْبِحُ وَحِينَ يُمَسِّي: سُبْحَانَ اللَّهِ وَبِحَمْدِهِ مِائَةَ مَرَّةٍ، لَمْ يَأْتِ أَحَدٌ يَوْمَ الْقِيَامَةِ بِأَفْضَلَ مِمَّا جَاءَ بِهِ إِلَّا أَحَدٌ قَالَ مِثْلَ مَا قَالَ أَوْ زَادَ عَلَيْهِ))

Daripada Abū Hurayrah رضي الله عنه, beliau berkata: Rasulullah ﷺ bersabda:

“Barang siapa yang menyebut ketika dia memasuki waktu pagi dan ketika dia memasuki waktu petang [tasbih ini]:

سُبْحَانَ اللَّهِ وَبِحَمْدِهِ

“Maha suci Allah [daripada segala kekurangan], dengan segala pujian milik-Nya [yang memiliki segala kesempurnaan]”

sebanyak seratus (100) kali,

maka tidak ada seorang pun pada hari kiamat kelak yang telah mendatangkan sesuatu amalan yang lebih baik daripada apa yang telah dilakukannya, melainkan seseorang yang menyebut sepertimana yang disebut olehnya atau lebih berbandingnya.”

T: (Muslim (261H): al-Jāmi' al-Ṣaḥiḥ / Ṣaḥiḥ Muslim), No. 2695 [Lafaz di atas]; (al-Tirmidhī (279H): al-Jāmi' al-Kabīr (Sunan al-Tirmidhī)), No. 3469 dan beliau berkata: (هَذَا حَدِيثٌ حَسَنٌ صَحِيحٌ غَرِيبٌ); (Abū Dāwud (275H): Sunan Abī Dāwud), No. 5091 dengan lafaz: (سُبْحَانَ اللَّهِ الْعَظِيمِ); (Aḥmad (241H): al-Musnad), No. 8617 & 8618; (Ibn Ḥibbān (354H): Ṣaḥiḥ Ibn Ḥibbān), No. 859 & 860; (al-Hakim (405H): al-

Mustadrak ‘alā al-Saḥīḥayn), No. 1840 dan beliau berkata: (هَذَا حَدِيثٌ)
(صَحِيحٌ عَلَى شَرْطِ مُسْلِمٍ، وَلَمْ يُخَرِّجَاهُ) dan lain-lain. [Status: Sahih] Penuntut Ilmu

Hadith 2: Tasbih Bersama Tahmid Yang Dicintai (Allah) al-Rahmān dan Berat di al-Mīzān (Neraca Timbangan)

عَنْ أَبِي هُرَيْرَةَ رضي الله عنه، قَالَ: قَالَ رَسُولُ اللَّهِ ﷺ:

((كَلِمَتَانِ خَفِيفَتَانِ عَلَى اللِّسَانِ، ثَقِيلَتَانِ فِي الْمِيزَانِ، حَبِيبَتَانِ إِلَى الرَّحْمَنِ: سُبْحَانَ اللَّهِ وَبِحَمْدِهِ، سُبْحَانَ اللَّهِ الْعَظِيمِ))

Daripada Abu Hurayrah رضي الله عنه, beliau berkata: Rasulullah ﷺ bersabda:

“Dua kalimah yang ringan bagi lidah [untuk menyebutnya], berat di dalam neraca timbangan [di akhirat kelak], dan dicintai oleh Al-Rahmān (Allah Yang Maha Pemurah/ Luas Rahmat-Nya), iaitu:

سُبْحَانَ اللَّهِ وَبِحَمْدِهِ، سُبْحَانَ اللَّهِ الْعَظِيمِ

Maha Suci Allah [daripada segala kekurangan] dengan kepujian buat-Nya [yang bersifat dengan segala kesempurnaan]; Maha Suci Allah Yang Maha Agung.”

T: (al-Bukhārī (256H): Ṣaḥīḥ al-Bukhārī), No. 6406, 6682 & 7563; (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 2697 [Lafaz di atas]; (al-Tirmidhī (279H): al-Jāmi‘ al-Kabīr (Sunan al-Tirmidhī)), No. 3467 dan beliau berkata: (هَذَا حَدِيثٌ حَسَنٌ صَحِيحٌ غَرِيبٌ) dan lain-lain.[Status: Sahih – Muttafaq ‘alayh] **Penuntut Ilmu**

Nota: Zikrullah yang menggabungkan di antara Tasbih dan Tahmid adalah zikir yang sangat agung. Majoriti ulama’ mazhab Shafie menyatakan sunat untuk ditambahkan “وَبِحَمْدِهِ” pada tasbih rukuk dan sujud di dalam solat. Gabungan tasbih dan tahmid merupakan himpunan bagi sifat-sifat ketuhanan iaitu: Allah maha Suci dari segala kekurangan (Tasbih) dan Allah bersifat dengan segala kesempurnaan (Tahmid). (والله أعلم)

Hadith 3: Tasbih bersama Tahmid Seratus (100) Kali Sehari Menghapuskan Dosa

عَنْ أَبِي هُرَيْرَةَ رَضِيَ اللَّهُ عَنْهُ، أَنَّ رَسُولَ اللَّهِ ﷺ قَالَ:

((مَنْ قَالَ: سُبْحَانَ اللَّهِ وَبِحَمْدِهِ فِي يَوْمٍ مِائَةَ مَرَّةٍ، حُطَّتْ خَطَايَاهُ، وَإِنْ كَانَتْ مِثْلَ زَبَدِ الْبَحْرِ))

Daripada Abū Hurayrah رَضِيَ اللَّهُ عَنْهُ, beliau meriwayatkan bahawa sesungguhnya Rasulullah ﷺ bersabda:

“Barang siapa menyebut:

سُبْحَانَ اللَّهِ وَبِحَمْدِهِ

Maha Suci Allah [daripada segala kekurangan], dengan [segala] pujian bagiNya [yang memiliki segala kesempurnaan dan memberi segala kurniaan],

pada **satu hari sebanyak seratus (100) kali**, maka dosa-dosanya akan digugurkan, walaupun ia adalah [banyak] seperti buih-buih lautan.”

T: (al-Bukhārī (256H): Ṣaḥīḥ al-Bukhārī), No.6405 [Lafaz di atas]; (al-Tirmidhī (279H): al-Jāmi‘ al-Kabīr (Sunan al-Tirmidhī)), No. 3466 dan beliau berkata: (هَذَا حَدِيثٌ حَسَنٌ صَحِيحٌ) & 3468; (al-Nasā‘ī (303H): al-Sunan al-Sughrā / al-Mujtabā min al-Sunan), No. 1354; (Ibn Mājah (273H): Sunan Ibn Mājah), No. 3812; (Mālik (179H): al-Muwatta‘a - Riwayat Yahya al-Laythi), No. 487; (Aḥmad (241H): al-Musnad), No. 7949 & 10305 dan lain-lain. [Status: Sahih] **Penuntut Ilmu**

Hadith 4: Tasbih bersama Tahmid adalah Kalam (Zikrullah) Yang Paling Utama (Afdal) di sisi Allah

عَنْ أَبِي ذَرٍّ رَضِيَ اللَّهُ عَنْهُ:

أَنَّ رَسُولَ اللَّهِ ﷺ: سُئِلَ أَيُّ الْكَلَامِ أَفْضَلُ؟، قَالَ: ((مَا اضْطَفَى اللَّهُ لِمَلَائِكَتِهِ أَوْ لِعِبَادِهِ: سُبْحَانَ اللَّهِ وَبِحَمْدِهِ))

Daripada Abū Dharr [al-Ghifārī] رَضِيَ اللَّهُ عَنْهُ, beliau meriwayatkan bahawa:

Sesungguhnya Rasulullah ﷺ ditanya: “Apakah kata-kata yang paling utama/afdal [di sisi Allah]?”.

Baginda ﷺ bersabda: “Kalam (zikrullah) yang telah dipilih Allah untuk para malaikat-Nya atau para hamba-Nya, iaitu:

سُبْحَانَ اللَّهِ وَبِحَمْدِهِ

Maha Suci Allah [daripada segala kekurangan], dengan segala pujian bagi-Nya [yang memiliki segala kesempurnaan dan memberi segala kurniaan].”

T: (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No.2732 [Lafaz di atas] & 2733; (al-Tirmidhī (279H): al-Jāmi‘ al-Kabīr (Sunan al-Tirmidhī)), No. 3593 dan beliau berkata: (هَذَا حَدِيثٌ حَسَنٌ صَحِيحٌ); (Aḥmad (241H): al-Musnad), No. 20812, 20918 & 21018; (al-Ḥakīm (405H): al-Mustadrak ‘alā al-Ṣaḥīḥayn), No. 1779 dan beliau berkata: (هَذَا حَدِيثٌ) (صَحِيحٌ عَلَى شَرْطِ مُسْلِمٍ، وَلَمْ يُخَرِّجَاهُ); (al-Nasā’ī (303H): al-Sunan al-Kubrā), No. 10591 & 10592; (al-Bazzār (292H): al-Baḥr al-Zakhkhār bi Musnad al-Bazzār), No. 3967 dan lain-lain. [Status: Sahih] **Penuntut Ilmu**

Tasbih bersama Tahmid adalah zikrullah yang sangat utama kerana ia menghimpunkan sifat ketuhanan: (i) Suci daripada segala kekurangan dan (ii) Memiliki segala kesempurnaan.

Hadith 5: Tasbih bersama Tahmid Menumbuhkan Pohon Di Syurga

عَنْ جَابِرٍ رَضِيَ اللَّهُ عَنْهُ، عَنِ النَّبِيِّ ﷺ قَالَ:

((مَنْ قَالَ: سُبْحَانَ اللَّهِ الْعَظِيمِ وَبِحَمْدِهِ، غُرِسَتْ لَهُ نَخْلَةٌ فِي الْجَنَّةِ))

Daripada Jābir رَضِيَ اللَّهُ عَنْهُ, beliau meriwayatkan bahawa Nabi ﷺ bersabda:

“Barang siapa yang mengucapkan:

سُبْحَانَ اللَّهِ الْعَظِيمِ وَبِحَمْدِهِ

Maha suci Allah [daripada segala kekurangan], Yang Maha Agung, dengan segala kepujian bagiNya [yang memiliki segala kesempurnaan dan memberi segala kurniaan],

akan ditanam sepohon kurma baginya di syurga.”

T: (al-Tirmidhī (279H): al-Jāmi‘ al-Kabīr (Sunan al-Tirmidhī)), No. 3464 [Lafaz di atas] dan beliau berkata: (هَذَا حَدِيثٌ حَسَنٌ غَرِيبٌ صَحِيحٌ، لَا نَعْرِفُهُ) & No. 3465 dan beliau berkata: (هَذَا حَدِيثٌ حَسَنٌ) (إِلَّا مِنْ حَدِيثِ أَبِي الزُّبَيْرِ، عَنْ جَابِرٍ غَرِيبٌ); (Ibn Hibbān (354H): Ṣaḥīḥ Ibn Hibbān), No. 826 & 827; (al-Ḥakīm (405H): al-Mustadrak ‘alā al-Ṣaḥīḥayn), No. 1780 dan beliau berkata: (هَذَا حَدِيثٌ صَحِيحٌ عَلَى شَرْطِ مُسْلِمٍ، وَلَمْ يُخَرِّجَاهُ) & 1820; (al-Nasā’ī (303H): al-Sunan al-Kubrā), No. 10590; (Abū Ya‘lā al-Mawṣilī (307H): Musnad Abī Ya‘lā al-Mawṣilī), No. 2233 dan lain-lain. [Status: Sahih atau Hasan] **Penuntut Ilmu**

Hadith 6: Tasbih Bersama Tahmid Yang Paling Disukai Allah

عَنْ أَبِي ذَرٍّ رضي الله عنه:

أَنَّ رَسُولَ اللَّهِ ﷺ عَادَهُ أَوْ أَنَّ أَبَا ذَرٍّ عَادَ رَسُولَ اللَّهِ ﷺ، فَقَالَ: يَا أَبَايَ أَنْتَ وَأُمِّي يَا رَسُولَ اللَّهِ، أَيُّ الْكَلَامِ أَحَبُّ إِلَى اللَّهِ؟، قَالَ: ((مَا اضْطَغَى اللَّهُ لِمَلَائِكَتِهِ: سُبْحَانَ رَبِّيَ وَيَحْمَدُهُ، سُبْحَانَ رَبِّيَ وَيَحْمَدُهُ))

Daripada Abu Dharr [Al-Ghifari] رضي الله عنه, beliau meriwayatkan bahawa:

“Sesungguhnya Rasulullah ﷺ melawat beliau atau Abu Dharr رضي الله عنه sendiri yang pergi melawat Baginda Rasulullah ﷺ, dan beliau berkata: Demi ayahku dan ibuku untuk mu wahai Rasulullah¹, apakah kata-kata yang paling dicintai Allah?. Baginda ﷺ bersabda: “Apa yang Allah telah pilih untuk para malaikatnya, iaitu:

سُبْحَانَ رَبِّيَ وَيَحْمَدُهُ، سُبْحَانَ رَبِّيَ وَيَحْمَدُهُ

Maha Suci Tuhanku dengan segala pujian bagiNya, Maha Suci Tuhanku dengan segala pujian bagiNya.”

T: (al-Tirmidhī (279H): al-Jāmi‘ al-Kabīr (Sunan al-Tirmidhī)), No. 3593 [Lafaz di atas] dan beliau berkata: (هَذَا حَدِيثٌ حَسَنٌ صَحِيحٌ); (al-Hakim (405H): al-Mustadrak ‘alā al-Sahīḥayn), No. 1779 dan beliau berkata: (هَذَا حَدِيثٌ صَحِيحٌ عَلَى شَرْطِ مُسْلِمٍ، وَلَمْ يُخَرِّجَاهُ); (al-Nasā’ī (303H): al-Sunan al-Kubrā), No. 10592 dan lain-lain. **Penuntut Ilmu**

¹ Kata-kata “Demi ayahku dan ibuku untuk mu wahai Rasulullah” adalah merupakan satu bentuk gaya bahasa Arab bagi menunjukkan adab memuliakan (*al-tawqīr*) dan menghormati (*al-iḥtirām*), dan ia bukanlah satu bentuk sumpah (*al-yamīn*).

Hadith 7: Tasbih bersama Tahmid Yang Paling Dicintai Allah ﷻ

عَنْ أَبِي ذَرٍّ رَضِيَ اللَّهُ عَنْهُ، قَالَ:

قَالَ رَسُولُ اللَّهِ ﷺ: ((أَلَا أُخْبِرُكَ بِأَحَبِّ الْكَلَامِ إِلَى اللَّهِ؟))، قُلْتُ: يَا رَسُولَ اللَّهِ،
أَخْبِرْنِي بِأَحَبِّ الْكَلَامِ إِلَى اللَّهِ، فَقَالَ: ((إِنَّ أَحَبَّ الْكَلَامِ إِلَى اللَّهِ : سُبْحَانَ اللَّهِ
وَبِحَمْدِهِ))

Daripada Abū Dharr al-Ghifārī رَضِيَ اللَّهُ عَنْهُ, beliau berkata:

Rasulullah ﷺ bersabda (kepadaku): “Tidakkah kamu mahu aku memberitahu kamu tentang kata-kata yang paling dicintai Allah?.”

Aku berkata: “Wahai Rasulullah, beritahulah kepadaku tentang kata-kata yang paling dicintai Allah.”

Baginda ﷺ bersabda: “Sesungguhnya kata-kata yang paling dicintai Allah ialah:

سُبْحَانَ اللَّهِ وَبِحَمْدِهِ

Maha suci Allah [daripada segala sifat kekurangan/ sifat-sifat makhluk] bersama pujian bagiNya [yang bersifat dengan segala sifat kesempurnaan/ ketuhanan].”

T: (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 2733 [Lafaz di atas]; (al-Bazzār (292H): al-Baḥr al-Zakhkhār bi Musnad al-Bazzār), No. 3967; (Ibn Abi Shaybah (235H): Musannaf Ibn Abi Shaybah), No. 29909 & 36052; (Ibn ‘Abd al-Barr (463H): al-Tamhid), No. 932 dan lain-lain. [Status: Sahih] **Penuntut Ilmu**

Hadith 8: Perbanyakkan Zikir ﴿سُبْحَانَ اللَّهِ وَبِحَمْدِهِ﴾ Jika Tidak Mampu Melakukan Ibadat-ibadat Yang Lain

عَنْ أَنَسٍ رَضِيَ اللَّهُ عَنْهُ، قَالَ: قَالَ رَسُولُ اللَّهِ ﷺ:

((إِذَا غَلَبَكُمُ اللَّيْلُ أَنْ تُكَابِدُوهُ، وَعَدُوْكُمُ أَنْ تُجَاهِدُوهُ، وَمَالُكُمْ أَنْ تُنْفِقُوهُ، فَأَكْثِرُوا مِنْ قَوْلِ سُبْحَانَ اللَّهِ وَبِحَمْدِهِ، فَإِنَّهُنَّ خَيْرٌ مِنْ جَبَلٍ ذَهَبٍ وَفِضَّةٍ أَنْ تُنْفِقُوا فِي سَبِيلِ اللَّهِ))

Daripada Anas bin Mālik رَضِيَ اللَّهُ عَنْهُ, beliau berkata: Rasulullah ﷺ bersabda:

“Apabila [tidur] malam hari mengalahkan engkau dari bersusah payah [bangun mengerjakan ibadah], dan terdapat musuh yang engkau tidak dapat berjihad melawannya, dan terdapat harta yang engkau tidak mampu menginfiafkannya, maka perbanyakkan sebutan [zikir]:

سُبْحَانَ اللَّهِ وَبِحَمْدِهِ

Maha suci Allah [daripada segala sifat kekurangan/sifat-sifat makhluk] bersama pujian bagiNya [yang bersifat dengan segala sifat kesempurnaan/ ketuhanan].

Maka sesungguhnya ia (memperbanyakkan zikir ini) adalah lebih baik daripada gunung emas dan perak yang engkau infiaqkan di jalan Allah.”

T: (Tamām al-Rāzī (414H): Fawā'id Tamām al-Rāzī), No. 313 [Lafaz di atas]. **Penuntut Ilmu**

Hadith 9: Tasbih Bersama Tahmid dengan Empat Kalimah Yang Menggandakan Pahalanya: Rasulullah ﷺ Mengajarnya kepada Isteri Baginda Sayyidatina Juwairiyah رضى الله عنها

عَنْ جُوَيْرِيَةَ رَضِيَ اللَّهُ عَنْهَا :

أَنَّ النَّبِيَّ ﷺ خَرَجَ مِنْ عِنْدِهَا بُكْرَةً حِينَ صَلَّى الصُّبْحَ وَهِيَ فِي مَسْجِدِهَا، ثُمَّ رَجَعَ بَعْدَ أَنْ أَضْحَى وَهِيَ جَالِسَةٌ، فَقَالَ: ((مَا زِلْتُ عَلَى الْحَالِ الَّتِي فَارَقْتُكَ عَلَيْهَا؟))، قَالَتْ: نَعَمْ، قَالَ النَّبِيُّ ﷺ: ((لَقَدْ قُلْتَ بَعْدَكَ أَرْبَعَ كَلِمَاتٍ ثَلَاثَ مَرَّاتٍ، لَوْ وُزِنَتْ بِمَا قُلْتَ مِنْذُ الْيَوْمِ لَوَزَنَتْهُنَّ: سُبْحَانَ اللَّهِ وَبِحَمْدِهِ عَدَدَ خَلْقِهِ وَرِضَا (/ وَرِضَاءِ) نَفْسِهِ وَزِنَةَ عَرْشِهِ وَمَدَادَ كَلِمَاتِهِ))

Daripada Ummu al-Mu'minīn Sayyidatina Juwairiyah binti al-Hārith رضى الله عنها, beliau meriwayatkan bahawa:

Sesungguhnya Nabi ﷺ telah keluar dari sisinya pada waktu pagi setelah melakukan solat Subuh dan pada ketika itu beliau sedang berada di masjid (tempat solat/beribadah di dalam) rumahnya. Kemudian Baginda ﷺ pulang ke rumahnya ketika waktu duha dan beliau masih duduk [beribadah] di dalam rumahnya.

Maka Baginda ﷺ bertanya: “Engkau masih berada di dalam keadaan [beribadah] sejak aku keluar tadi?.”

Beliau menjawab: “Ya.”

Baginda Nabi ﷺ pun bersabda: “Sesungguhnya aku telah menyebut empat kalimah sebanyak tiga kali selepas keluar dari sisimu sebentar tadi; jika ia ditimbang dengan apa yang telah engkau

sebutkan [daripada zikrullah] sejak hari ini, maka ia adalah lebih berat [ganjarannya], iaitu:

سُبْحَانَ اللَّهِ وَبِحَمْدِهِ عَدَدَ خَلْقِهِ وَرِضَا (/ وَرِضَاءَ) نَفْسِهِ وَزِنَةَ عَرْشِهِ وَمَدَادَ كَلِمَاتِهِ

Maha suci Allah, bersama pujian buat-Nya, sebanyak bilangan makhluk ciptaan-Nya, sehingga mencapai keredaan-Nya, seberat arash-Nya dan sebanyak kalimah-kalimah-Nya.

T: (Muslim (261H): al-Jāmi' al-Ṣaḥīḥ / Ṣaḥīḥ Muslim), No. 2729 [Lafaz di atas]; (al-Tirmidhī (279H): al-Jāmi' al-Kabīr (Sunan al-Tirmidhī)), No. 3555 dan beliau berkata: (هَذَا حَدِيثٌ حَسَنٌ صَحِيحٌ); (al-Nasā'ī (303H): al-Sunan al-Sughrā / al-Mujtabā min al-Sunan), No. 1352 dan lain-lain. [Status: Sahih] **Penuntut Ilmu**

Hadith 10: Rasulullah ﷺ Memperbanyak Zikir “Tasbih Bersama Tahmid dengan Istighfar dan Taubat” selepas Pembukaan Mekah (Tahun 8 Hijrah) di Akhir Usia Baginda (sekitar 60 tahun)

عَنْ عَائِشَةَ رَضِيَ اللَّهُ عَنْهَا، قَالَتْ:

كَانَ رَسُولُ اللَّهِ ﷺ يُكثِرُ مِنْ قَوْلٍ: ((سُبْحَانَ اللَّهِ وَبِحَمْدِهِ، أَسْتَغْفِرُ اللَّهَ وَأَتُوبُ إِلَيْهِ))، قَالَتْ: فَقُلْتُ: يَا رَسُولَ اللَّهِ، أَرَأَيْكَ تُكثِرُ مِنْ قَوْلٍ سُبْحَانَ اللَّهِ وَبِحَمْدِهِ، أَسْتَغْفِرُ اللَّهَ وَأَتُوبُ إِلَيْهِ؟ فَقَالَ: ((خَبَّرَنِي رَبِّي، أَنِّي سَأَرَى عَلَامَةً فِي أُمَّتِي، فَإِذَا رَأَيْتُهَا، أَكْثَرْتُ مِنْ قَوْلٍ سُبْحَانَ اللَّهِ وَبِحَمْدِهِ، أَسْتَغْفِرُ اللَّهَ وَأَتُوبُ إِلَيْهِ، فَقَدْ رَأَيْتُهَا: ((إِذَا جَاءَ نَصْرُ اللَّهِ وَالْفَتْحُ *))، فَتَحُ مَكَّةَ، ((وَرَأَيْتَ النَّاسَ يَدْخُلُونَ فِي دِينِ اللَّهِ أَفْوَاجًا * فَسَبَّحَ بِحَمْدِ رَبِّكَ وَاسْتَغْفِرْهُ إِنَّهُ كَانَ تَوَّابًا))

Daripada Sayyidatina ‘Ā’ishah رَضِيَ اللَّهُ عَنْهَا, beliau berkata:

“Rasulullah ﷺ pernah memperbanyakkan sebutan:

سُبْحَانَ اللَّهِ وَبِحَمْدِهِ، أَسْتَغْفِرُ اللَّهَ وَأَتُوبُ إِلَيْهِ

Maha suci Allah, bersama pujian bagi-Nya, aku memohon keampunan daripada Allah dan aku bertaubat kepada-Nya.”

Aku berkata: “Wahai Rasulullah, aku melihat Tuan memperbanyakkan sebutan: (سُبْحَانَ اللَّهِ وَبِحَمْدِهِ، أَسْتَغْفِرُ اللَّهَ وَأَتُوبُ إِلَيْهِ), [apakah sebabnya]?”

Baginda ﷺ bersabda: “Tuhanku telah memberitahuku bahawa sesungguhnya aku akan melihat satu alamat/ tanda pada umatku.

Apabila aku telah melihat tanda tersebut, maka aku memperbanyak sebutan: (سُبْحَانَ اللَّهِ وَبِحَمْدِهِ، أَسْتَغْفِرُ اللَّهَ وَأَتُوبُ إِلَيْهِ). Dan sesungguhnya aku telah melihatnya (tanda tersebut):

﴿إِذَا جَاءَ نَصْرُ اللَّهِ وَالْفَتْحُ﴾

Apabila datang pertolongan Allah dan kemenangan (semasa engkau wahai Muhammad berjaya menguasai negeri Makkah),

Ia adalah Fath Makkah (Pembukaan Kemenangan ke atas Makkah) [20 Ramadan, tahun ke-8 Hijrah];

﴿وَرَأَيْتَ النَّاسَ يَدْخُلُونَ فِي دِينِ اللَّهِ أَفْوَاجًا * فَسَبِّحْ بِحَمْدِ رَبِّكَ وَاسْتَغْفِرْهُ إِنَّهُ كَانَ تَوَّابًا *﴾


Dan engkau melihat manusia masuk dalam agama Allah beramai-ramai; Maka ucapkanlah tasbih dengan memuji Tuhanmu dan mintalah ampun kepada-Nya, sesungguhnya Dia amat menerima taubat.”

T: (Muslim (261H): al-Jāmi‘ al-Ṣaḥīḥ / Ṣaḥīḥ Muslim), No. 487 [Lafaz di atas]; (Ahmad (241H): al-Musnad), No. 23514 dan lain-lain. [Status: Sahih] **Penuntut Ilmu**

Sebahagian ulama’ menyatakan bahawa, zikir:

سُبْحَانَ اللَّهِ وَبِحَمْدِهِ، أَسْتَغْفِرُ اللَّهَ وَأَتُوبُ إِلَيْهِ

patut diperbanyakkan oleh seseorang apabila tiba usia tuanya (khususnya 60 tahun ke atas berdasarkan kalendar Hijrah) dan dirasakan hampir kewafatannya.





WISDOM
PUBLICATION

Design: [Freepik.com](https://www.freepik.com)

